

MALITTARISASSAT

Uunga: **ARCTIC FISH GREENLAND A/S**

CVR-nr. 12926057

MALITTARISASSAT

1. ATEQ

- 1.1 Ingerlatseqatigiiffiup aterraa Arctic Fish Greenland A/S.

2. ANGERLARSIMAFFIK

- 2.1 Ingerlatseqatigiiffiup angerlarsimaffigaa Nuuk.

3. SIUNERTAQ AAMMA PIGINNEQATAASUNNGORTITSINEQ

- 3.1 Ingerlatseqatigiiffiup siunertaraa piginneqataasut qaleralinnik tulaassaannik tulaassuineramik tuniniaanermillu ingerlatsineq aammalu siulersuisut naliliinerat aallaavigalugu tamatumunnga attuumassutilinnik ingerlatsineq.

- 3.2 Piginneqataalersussanik (inuit imaluunniit ingerlatseqatigiiffiusut il.il) qaleralinniarnermik pingaarnertut ingerlataqarlutik inuussutissarsiuteqartunik piginneqataalersitsinissaq ingerlatseqatigiiffiup siunertaanut ilaavoq. Piginneqataalersinneqartussat pineqartut ingerlatseqatigiiffimmi piginneqataalernissaanni qaleralittaminnik tamakkiisunik ingerlatseqatigiiffimmut piffissami aalajangersimasumi tulaassuinissamut immikkut pisussaaffeqarnissaat piunasaqaataallunilu eqquutsinneqartussaavoq. Piginneqataasut taakku qanoq naatsorsuiffiqeqarlutillu akilersueriaaseqarnissaat siulersuisunit malittarisassiuunneqassaaq.

Tamatuma saniatigut ingerlatseqatiffimmi sulisunik ataasiakkaanik arlalinnilluunniit aalajaatsunik ingerlatseqatigiiffimmi piginneqataalersitsinnaanissaq ingerlatseqatigiiffiup siunertaasa ilagaat.

- 3.3 Kikkut ingerlatseqatigiiffimmi piginneqataalersinneqarnissaat siulersuisut aalajangigassaraat.

4. INGERLATSEQATIGIIFFIUP ANINGAASAQARNERA

- 4.1 Ingerlatseqatigiiffiup piginneqataassutitut aningaasaatigai DKK 11.000.000, taakkulu piginneqataassutitut ataasiakkaanut DKK 1.000-nik nalilinnut imaluunniit kisitsisinik taakkununnga agguarneqarsinnaasunut agguagaapput.

- 4.2 Piginneqataassutitut aningaasaatit tamakkiisumik akilerneqareerput.

5. INGERLATSEQATIGIIFFIUP PIGINNEQATAASSUTAI

- 5.1 Ingerlatseqatigiiffiup piginneqataassutai atilerlugit piginneqataassutaapput taamatullu atilerlugit ingerlatseqatigiiffiup piginnittunut allattorsimaffiani nalunaarsorneqassapput.

- 5.2 Piginneqataassutsit pigineqartutut allassimasuupput.

- 5.3 Piginneqataassutsit arlaatigulluunniit allanit pigineqalersinnaanissaat siulersuisut siumoortumik allakkatigut akuersissuteqarnerisigut aatsaat pisinnaavoq. Akuersissummik noqqaassuteqartuusoq noqqaassutaata apuunneraniit kingusinnerpaamik sapaatip akunnerisa sisamat ingerlaneranni siulersuisut noqqaassut pillugu aalajangerannik kalerrinneqassaaq, tamannali pisimangippat akuerineqarsimasutut nalilerneqassaaq.

- 5.4 Ingerlatseqatigiiffik piginneqataassutsit allakkianik allakkiorsinnaanngilaq. Ingerlatseqatigiiffik piunasaqarfigineqarluni piginnittut allattorsimaffiannut nalunaarsuisimanermut uppernarsaammik tunniussinnaavoq.

- 5.5 Piginnittunut allattorsimaffik ingerlatseqatigiiffiup angerlarsimaffiani piginnittumit nalunaarsuiffiqeqassaaq.

6. PISISUSSAANERMUT PISUSSAANEQ

- 6.1 Ingerlatseqatigiiffimmi piginneqataasut qaleralinnik pisaannik tamakkiisunik ingerlatseqatigiiffimmut apuussaat ingerlatseqatigiiffiup pisiarissallugit pisinnaatitaafigalugillu pisussaaffigai.

7. AGGUAGARSIAT

7.1 Ingerlatseqatigiiffiup akileraareernerup kingorna ukiumut angusai agguagarsiassanngortinneqassapput, tamatumani ingerlatseqatigiiffiit pillugit inatsisip maleruagassiai ataqqillugit piviusunngortinneqarsinnaappat agguagarsiassanngortinneqarsinnaapput.

8. ATAATSIMEERSUARNEQ, PISUSSAATITAANEQ, SUMIIFFIK AAMMA ATAATSIMIIGIAQQUSINEQ

8.1 Piginneqataasut aalajangiinnaatitaanermut pisussaataitanerat ataatsimeersuarnermi pisarpoq.

8.2 Ingerlatseqatigiiffiup susassaarfii tamakkerlugit inatsisip malittarisassallu atuuttut naapertorlugit ataatsimeersuarnermi peqataasunit oqartussaaffigineqarnerpaapput.

8.3 Ingerlatseqatigiiffiup ataatsimeersuartsinera ingerlatseqatigiiffiup ingerlataqarfiani ingerlanneqassaaq.

8.4 Ukiumoortumik nalunaarusiap akuerisaasup ukiumoortumik naatsorsuuteqarnermut inatsimmi piffissarititaasup qaangiutinnginnerani Erhvervsstyrelsenimit pissarsiarineqarsinnaasunngorlugu nalinginnaasumik ataatsimeersuarneq ukiut tamaasa ingerlanneqartassaaq.

8.5 Siulersuisut ataatsimeersuarnissamut ataatsimeersuarnissaq kingusinnerpaamik sapaatip akunnerinik marlunnik piaarnerpaamillu sapaatip akunnerinik sisamanik sioqutsillutik ingerlatseqatigiiffiup nittartagaatigut paasissutissiikkut qaaqquisuussapput.

8.6 Ingerlatseqatigiiffiup ataatsimeersuartsinera tamanut ammasuunngillat.

9. ATAATSIMEERSUAQ, ULLORMI OQALUUSERISASSAT

9.1 Nalinginnaasumik ataatsimeersuarnermi ullormi oqaluuserisassat imaassapput:

1. Aqutsisussamik qinersineq.
2. Ingerlatseqatigiiffiup ukiumi naatsorsuiffiusumi qaangiuttumi ingerlanneqarnera pillugu siulersuisut nalunaarutaat.
3. Ukiumoortumik nalunaarusiap akuerineqarnera.
4. Ukiumoortumik nalunaarusiaq akuerineqareersoq naapertorlugu sinneqartoorutit atorneqarnissaat imaluunniit amigartoorutit matussuserneqarnissaat.
5. Siulersuisuni ilaasortassanik qinersineq taakkulu ajunngitsorsiassaasa annertussusaannik aalajangiineq.
6. Kukkunersiuusumik qinersineq.
7. Siulersuisunit aamma/imaluunniit piginneqataasunit siunnersuutaasinnaasut.

10. ATAATSIMEERSUARNEQ, TAASINNAATITAANEQ AAMMA AALAJANGIINERIT

10.1 Piginneqataassutsit ataasiakkaat DKK 1.000-nik nalillit taasisinnaatitaanermik ataatsimik naleqarput.

10.2 Inatsimmi imaluunniit malittarisassani allatut aalajangiisoqarsimangippat ataatsimeersuarnermi aalajangiinerit tamarmik taasinikkut ataasiinnarmilluunniit amerlanerussuteqarnikkut pisassapput.

11. SIULERSUISUT AAMMA PISORTAQATIGIIT

11.1 Ingerlatseqatigiiffik siulersuisunit pingasuniit tallimanut amerlassusilinnit ataatsimeersuarnermi qinigaasunit aammalu ataatsimeersuarnerup tulliusup tungaanut atuuttussatut aqunneqassaaq. Siulersuisut aalajangiisarnerat taasinikkut ataasiinnarmilluunniit amerlanerussuteqarnikkut pisassaaq. Taasinermi taasinerit naligiitsillugit siulersuisut taasineri aalajangiisuussaaq.

11.2 Siulersuisut atuunnertik pillugu suleriaasissaminnik aalajangersagaliussapput.

11.3 Siulersuisut ingerlatseqatigiiffiup ulluinnarni aqunneqarnissaa pillugu pisortanik ataatsimiit pingasunik amerlassusilinnik atorfinitsissapput.

12. QARASAASIATIGUT ATTAVEQATIGIINNEQ

- 12.1 Ingerlatseqatigiiffimmi ingerlatseqatigiiffiup piginneqataasullu akornanni attaveqatigiinneranni qarasaasiatigut paasissutissanik aammalu qarasaasiatigut allagarsisarnikkut (e-mail) ingerlanneqarsinnaavoq. Tamatumani ilaapput nalinginnaasumik aamma immikkut ittumik ataatsimeersuarnissamut piginneqataasunik ataatsimiigiaqqusinerit, tamatumani malittarisassanik allannguissamut siunnersuutit tamakkiisut, ullormi oqaluuserisassanik nassiussinerit, ukiumoortumik nalunaarusiat il.il. kiisalu ingerlatseqatigiiffimmiit piginneqataasunut nalinginnaasumik paasissutissat allat ilanngullugit. Ingerlatseqatigiiffiup qarasaasiatigut attaveqatigiinnermut taarsiullugu allakkat nalinginnaasut atorsinnaavai. Ingerlatseqatigiiffiup qarasaasiatigut attaveqarnissaani attavissanut paasissutissanik eqqortunik peqarnissaa piginneqataasut qulakkiissallugu akisussaaffigaat. Piginneqataasut atortorissaarutitik tamakkuninnga atorineqartunut piumasaqaatit pillugit aammalu ingerlatseqatigiiffimmut attaveqassatilluni qarasaasiatigut attaveqarnissami periusissat pillugit paasissutissanik ingerlatseqatigiiffimmut saaffiginninnermikkut pisinnaapput.

13. INGERLATSEQATIGIIFFIK SINNERLUGU ISUMAQATIGIISSUSIORSINNAATITAANEQ

- 13.1 Siulersuisuni siulittaasoq pisortamik peqateqarluni, imaluunniit siulersuisuni ilaasortat marluk peqatigiilutik imaluunniit siulersuisut tamarmiullutik ingerlatseqatigiiffik sinnerlugu isumaqatigiissusiorsinnaatitaapput.

14. UKIOQ NAATSORSUIFFIUSOQ

- 14.1 Ukiup aallartinneraniit naanissaata tungaanut ingerlatseqatigiiffiup ukiumoortumik naatsorsuiffigaa. Ukioq naatsorsuiffiusoq siulleq tassaavoq 2017-imi juulip aqqaneq-aappaani pilersinneqarneraniit 2018-imi decembarip 31-iata tungaanut.

Taamalu ingerlatseqatigiiffiup 2017-imi juulip aqqaneq-aappaani pilersinneqarnerani aalajangerneqarpoq aammalu 2017-imi juulip 31-iani immikkut ataatsimeersuortoqarnerani allanngortinneqarpoq, kingullermillu 2019-imi _____-ani nalinginnaasumik ataatsimeersuortoqarnerani allanngortinneqarluni.

Aqutsisutut:
